

Sää'm Ķiõllka'lddi vuâkkõõzz

Ruõccjânnam sää'mte'gğ lij ra'vvjam vuâkkõõzzid ____ 2020.

Taarrjânnam sää'mte'gğ lij ra'vvjam vuâkkõõzzid ____ 2020.

Lää'ddjânnam sää'mte'gğ lij ra'vvjam vuâkkõõzzid ____ 2020.

1 § Mie'rr

Sää'm Ķiõllka'lddi lij sää'm meer õhttsažtâ'vvjânnmallaš ä'sštobddiorgaan sää'mķiõlid kuõskki aa'sšin. Sää'm Ķiõllka'lddi va'sttad sää'mķiõlid kuõskki tâ'vvjânnmallaš õhttsažtuâj koordinâ'sttmest, nânummšest da ooudâsviikkimest.

Sää'm Ķiõllka'lddi mie'rren lij sää'm ķe'rjĵkiõli da mainstemķiõli raajjâm kulttuurä'rbbvuõđ seeiltummuš, kâddmõš da ooudâsviikkõš di sää'mķiõli seeiltummuš, nânummuš da ooudâsviikkõš vää'ldee'l seämmast lokku jee'res sää'mķiõli taarbid, va'žžtõõzzid da resuursid.

2 § Tuâj

Sää'm Ķiõllka'lddi va'sttad sää'mķiõli Ķiõllhuõlâst. Sää'm Ķiõllka'lddi tuâimmai õhttsaž ä'sštobddiorgaanân sää'm ķe'rjĵkiõli noormtummuž kuõskki aa'sšin. Täâzz ko'le terminologia noormtummuš da ķee'rjtemvuâkkõõzz. Sää'm Ķiõllka'lddi tuâjjan lij regsmâ'tted sää'mķiõli sannõõzz da veä'ĵkted nâi't vue'zzstes staaneed sää'mķiõli puõ'ttiäi'j.

Sää'm Ķiõllka'lddi oudd Ķiõllõõ'nn'jid sää'mķiõli ââ'nma õhttnee'i teâđ, vuä'ppõõzzid da vuä'pstõõzzid.

3 § Tuâimmjummuž organisâsttmõš

Sää'm Ķiõllka'lddi lij Lää'ddjânnam, Ruõccjânnam da Taarrjânnam sää'mtii'gği vuâđđääm jiõččnaž tuâimmorgaan. Nää'lest da vaaldšemvuõđlânji Sää'm Ķiõllka'lddi tuâimmai Taarrjânnam sää'mtee'gğ õhttvuõđâst, leša tõn jāâ'đat jiijâs halltõs, ko'st puki koolm jânnam sää'mtii'gğin lij õõutverddsaz vaaiktõsvä'ldd.

Sää'm Ķiõllka'lddjest lie Ķiõlltuâjjla pukin ee'ttkõsttum jânnmin.

Puk koolm jânnam sää'mtee'gğ pre'mme Sää'm Ķiõllka'lddi vuâkkõõzzid seämmanallše'mmen.

4 § Vuõiggâdvuõđ materiaa'le

Lää'ddjânnam, Ruõccjânnam da Taarrjânnam sää'mtee'gğ vuäi'tte friijâld ââ'nned da jue'ĵked Sää'm Ķiõllka'lddi puu't'tam da noorrâm materiaal.

5 § Halltõõzz norrõs

Sää'm Ķiõllka'lddi halltõ'sse ko'le kutt vuâzzla da sij persoonlaž väärrvuâzzla. Juõ'ĵĵ jânnam sää'mtee'gğ nõõmat kue'htt halltõõzz vuâzzla da väärrvuâzzla. Vuâzzlaid nõõmte'mmen âlgg teä'ddeed sooggbie'li kõskksaž tää'ssäärv. Juõ'ĵĵ jânnam sää'mtee'gğest lij õõutverddsaz

vasttõs soogbie'li tää'sspeällsaž ee'ttkâsttmõõžžâst halltõõžžâst. Vue'lggẽmsââ'jjen lij, što vuâzzlai tuâimmpââ'jj pešt nelj ee'jj. Juõ'kk jânnam sää'mte'gg vuäitt hâ't kuâ'ss friijâld nõõmted odđ halltõõžž vuâzzla ääi'jab nõõmtum vuâzzla sâjja. Halltõõžž vuâzzlain âlgg lee'd ämmtallaš ââ'nteeivuõtt sää'mkiõlâst da šiõgg kiõllvue'jj tobddmõš.

Halltõs riâššâatt jiõčč da va'lljad vuâzzleez kõõskâst halltõõžž saaggjââ'dteei da õõut le'be kue'htt väârresaaggjââ'dteei.

Jõs kii-ne halltõõžž vuâzzlain lij cõggnam vuâssõõttâd sâbbrâ, kââčč vuõltteet väârrvuâzzli'žže. Halltõs lij mie'rreemvâäldlaž, ko päi'k â'lnn lie uu'ccmõsân nelj vuâzzla da uu'ccmõsân õhtt ee'ttkõeei juõ'kk jânnam sää'mte'gggest. Jõs jiõn mâ'nne jiõnste'mmen tässa, halltõõžž saaggjââ'dteei jiõnn rä'tkkad.

6 § Halltõõžž tuâj

Halltõs lij Sää'm Kiõllka'Iddi pââimõs tuâimmorgaan, da tõ'st lij obbvasttõs tuâimmjumšest. Halltõs va'sttad tõ'st, što tuâimmjummuž ämmtallaš kvalite'tt pââšš pue'rren da tuâimmjummuž harjjet viõkkšânji da viõggâst âarrai šiõtlmi meâldlânji. Halltõs va'sttad ämmtallaš oudâsviikkemest, resuursi ââ'nnmest da priorisâsttmõõžžin di Sää'm Kiõllka'Iddi tuâimmjummuž kuõskki tävõtõõžzi da strategiai raajjemest. Halltõs vuâđđad kiõll-lu'vddkââ'dd taarb da resuursi mie'ldd tuâimmjââ'dteei e'tkkõõžžâst.

Halltõs preemm tiillkiõrgtõõžž, tuâimmçiõlgtõõžž, täällarvvlõõžž, tuâimmplaan da tuâimmjummuž tuâjjriâššmõõžž. Halltõs nõõmat tuâimmjââ'dteei halltõõžž saaggjââ'dteei e'tkkõõžžâst da Sää'm Kiõllka'Iddi jee'res tuâjjlažkââ'dd tuâimmjââ'dteei e'tkkõõžžâst.

7 § Tuâimmjââ'dteei

Sää'm Kiõllka'Iddi tuâimmjummuž jââ'dat tuâimmjââ'dteei. Tuâimmjââ'dteei va'sttad Sää'm Kiõllka'Iddi siiskâž organisâ'sttmest 6 § meâldlânji primmum raamin. Tuâimmjââ'dtee'jest lij tuâjjuvdivasttõs Sää'm Kiõllka'Iddi tuâjjlain. Tuâimmjââ'dteei tuâimmai halltõõžž piisren, valmštââll da pohtt ou'dde halltõõžž kiõtt'tõõllâmnalla puõ'tti aa'sšid da va'sttad halltõõžž tu'mmstõõggi tuei'mmepiijjemest.

Tuâimmjââ'dteei va'sttad tõ'st, što tâllõõžžlaž tuâimmjummuš lij viõggâst âarrai šiõtlmi meâldlaž. Tuâimmjââ'dteei räâjj täällarvvlõse'tkkõõžž da tiillkiõrgtõõžž da teâdat halltõ'sse tuâimmjummuž peâ'lest miârkteei tâllõõžžlaž da jee'res aa'sšin.

Tuâimmjââ'dtee'jest lij vaa'ri ââ'nnemvuõiggâdvuõtt da vä'lddvuõtt raajjad jällmõõžž, ha'ŋkkõõžžid da õhttsažtuâjjkõskkvuõđid kuõskki suâppmõõžžid Sää'm Kiõllka'Iddi peâ'lest halltõõžž ra'vvjam raamin. Tuâimmjââ'dtee'jest lij vasttõs i'lmmted äavai tuâjjpaai'kin da raajjad e'tkkõõžžid halltõ'sse.

8 § Kiõll-lu'vddkâ'dd

Oou'dben âarrai 6 § meâldlânji vuâđđuum kiõll-lu'vddkââ'dd va'sttee ke'rjkiõl noormtumšest, terminologiast da kee'rjtemvuâkkõõžžin.

9 § Täällarvvlõs da teäggatummuš

Sää'm Ķiõllka'lddi älgg čuä'jted ee'kkraportâsttmõõžž õhttvuõđâst Lää'ddjânnam, Ruõccjânnam da Taarrjânnam sää'mtii'gğid čiolgtõõžž puõ'tti neellj ee'jj teäggtoštarbin. Teäggtoštarbčiolgtõs lij vuâđđan sää'mtii'gği kōskksaž sagstõõllmõõžžin. Täällarvvlõs-sagstõõllmõõžžid älgg ĳiõrgted nu'tt, što juõ'kk jânnam sää'mtee'gğ vue'ss lij čiolgâs ouddâl tõi täällarvvlõskiõtt'tõõllmõõžžie'rräi'jid.

Täällarvvlõskiõtt'tõõllmõõžž puuđee'n Sää'm Ķiõllka'lddja raajât sää'mtii'gği õhttsaž vuä'pstõõžž, ko'st puä'tte ou'dde tuäimmjummuž kuõskki vuärddmõõžž.

Sää'm Ķiõllka'lddi tu'mmai jiõčč puättji da ekksaž päi'lpaažztõõžž ââ'nnmest da va'sttad jiõčč vue'llpaažztõõžž kät'mest.

10 § Raportâsttmõš

Sää'm Ķiõllka'lddi älgg tuäimted Taarrjânnam, Ruõccjânnam da Lää'ddjânnam sää'mtii'gğid odđee'jjmannu 15. peivva mõõnee'st jiijjâs ee'kkčiolgtõõžž da tä'lvvmannu 10. peivva mõõnee'st tiillkiõrgtõõžž ouu'dab ee'jj tuäimmjummušes'tes. Täk rapoort â'lğge lee'd õhttsaž vuä'pstõõžž meâldla.

11 § Sää'm Ķiõllka'lddi loopptummuš

Jõs koon-ne jânnam sää'mtee'gğ tu'mmai järned õhttsažtuâjjorgaanâst, Sää'm Ķiõllka'lddi jâskk âärmest rosttovmannu 31. peei'v da ää'sšest älgg i'lmmted õhtt ee'kk ouddkiõ'tte. I'lmmtõs älgg lee'd ķeerjlaž. Őõut ee'jj äi'gğ la'skķeet tõn ka'Indaree'jj looppâst, kuä'ss Sää'm Ķiõllka'lddi halltõs lij vuäžžam i'lmmtõõžž.

Jällmõõžž, õolgtõõžžid da vuei'tlvaž loopptemkuulid jue'jjet järnummuž le'be loopptummuž õhttvuõđâst kuuli juâkkõõttmõõžž meâldlânji. Tât kuâskk vasttõõžž tuâjjkōskkvuõđin še. O'dinakai tuâjjlai tuâjjkōskkvuõđid suâvldet loopptummuž õhttvuõđâst Taarrjânnam tuâjjpirrõslä'jj da riikk tuâjjlain uvddum lää'jj šiõtlmid.

12 § Vaidldõõzzi ķiõtt'tõõllmõš

Vaiddlemaa'sšid ķiõtt'tõõllât Taarrjânnam vaaldšemlää'jj šiõtlmi meâldlânji. Halltõõžž nõõmtam ķiõll-lu'vddkââ'dd tu'mmjam aa'sšin vaidldemorgaanân lij Sää'm Ķiõllka'lddi halltõs.

13 § Viõ'kķešõddmõš

Vuâkkõõžž šâ'dde viõ'kķe, ko sää'mtee'gğ lie priimmâm vuâkkõõžžid seämmanallše'mmen. Taarrjânnam sää'mtee'gğ tiuddsââbbar vuâđđad tõn mânņa tuäimmjummuž formaal'lânji Taarrjânnam sää'mlää'jj 2–12 § meâldlânji.

14 § Vuâkkõõzzi mottmõš

Sää'mtee'gğ vuäi'tte raajjâd muttsid vuâkkõõžžid. Muttâž šâ'dde viõ'kķe, ko tōk lie primnum seämmanallše'mmen juõ'kk ee'ttkōsttum sää'mtee'gğ tiuddsââbbrest.